

(<https://news.usm.my>)

Berita Mutakhir

20
NOV

AMBIL PELUANG JADI PEMIMPIN UNTUK BANTU SELESAI MASALAH BERSAMA



USM, PULAU PINANG, 20 November 2016 - Anak-anak muda di universiti perlu memanfaatkan masa dan peluang yang ada untuk mengasah bakat kepimpinan mereka.

Presiden Majlis Perwakilan Pelajar Universiti Kebangsaan Malaysia (MPPUKM) Zainal Asnawi Asyraf, 23, berkata ini adalah masa untuk anak-anak muda menerokai bakat yang ada dan mengambil peluang mengetengahkan pelbagai isu yang berkaitan dengan kehidupan kampus untuk faedah bersama, bukannya hanya menyalahkan pihak lain.

"Ini adalah kesempatan terbaik untuk digunakan dan tidak membiarkan orang lain yang berbuat demikian sedangkan kita mempunyai peluang," kata pelajar tahun empat jurusan undang-undang tersebut.

Zainal Asnawi yang menjadikan ibu bapa dan Menteri Belia dan Sukan Khairy Jamaluddin sebagai idolanya itu mengupas panjang lebar tentang pentingnya pelajar bekerjasama dengan universiti untuk menyelesaikan sesuatu masalah yang dihadapi sebagai satu pasukan.

Sementara itu Naib Yang Dipertua Majlis Perwakilan Pelajar Universiti Sains Malaysia (MPPUSM) Tan Kar Yap, 22, tujuan utamanya menjadi pemimpin pelajar ialah untuk mengembangkan bakat yang ada untuk mewujudkan dunia masa hadapan yang lebih baik.



"Kita perlu yakin untuk mewujudkan dunia masa hadapan yang sejahtera bersama-sama dan ingin melakukan sesuatu untuk mencapainya tanpa membataskan kemampuan yang ada walaupun mempunyai kekangan-kekangan tertentu," kata Kar Yap pelajar tahun ketiga Teknologi Pembinaan Pusat Pengajian Perumahan, Bangunan dan Perancangan USM itu.

Tambah beliau, pemimpin pelajar seharusnya mampu menyediakan cadangan penyelesaian terhadap sesuatu masalah, bekerjasama dan menyelesaikan sesuatu masalah dengan baik, tidak hanya tahu komplek serta tidak sekadar menjadi wira maya atau keyboard warrior.

Kira-kira 100 pelajar menghadiri acara anjuran MPPUSM yang dipengerusikan oleh calon ijazah tinggi dan pemimpin pelajar Haja Mydin Abdul Kuthoos yang turut berkongsi pahit maung berada di dalam kepimpinan pelajar dengan segala cabaran termasuk kejian oleh mereka yang tidak memahami usahanya.

ANDA SEMUA DIJEMPUT
19 NOVEMBER 2016
8 PM
DPS 1

PANEL 1
ZAINAL ASNAWI
ASTRAF
PRESIDEN MPP
UKM

PANEL 2
NURFAZWANI
ZABIDIN
YDP
UNIMAP

PANEL 3
TAN KAR YAP
NYDP 2
MPP USM

HAJA MYDIN
MANTAN
MPP USM
MODERATOR

SEMBANG SISWA
"HALA TUJU KEPIMPINAN
MAHASISWA"

TIKET : RM 2
HAJAR : 01114470722
NAJIHA : 0194273285

DIBAWAKAN OLEH :

SYAHADAD **SYED**

PENAMPILAN ISTEMEWA
PERSEBAHAN NYANYIAN OLEH SYAHADAD & SYED

Logos: USM, APEX, BHEPA, MPP USM, SOARING UPWARDS, MyCS

Yang hadir ialah Naib Yang Dipertua MPPUSM selaku Pengarah Projek Mohd Uzair Ahmad dan beberapa orang wakil dari MPPUKM.

Teks: Mohamad Abdullah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015